

Ո Ր Ո Շ Ո Ւ Մ N1/1

Լևոն Մալխասյանին վարչական պատասխանատվության

ենթարկելու մասին

14 մարտի 2022թ.

ք. Ճամբարակ

Ճամբարակ համայնքի ղեկավար Վ.Ադամյանս քննելով Լևոն Ռոբերտի Մալխասյանի կողմից վարչական իրավախախտում կատարելու վերաբերյալ 24.02.2022թ. կազմված արձանագրության հիմքով հարուցված վարչական վարույթի նյութերը՝

պ ա ր գ ե ց ի

ՀՀ Գեղարքունիքի մարզի Ճամբարակ համայնքի աշխատակազմի քաղաքաշինության, գյուղատնտեսության և հողի վերահսկողության բաժնի պետի փոխարինող Կարեն Մխիթարյանի կողմից կազմվել է վարչական իրավախախտման վերաբերյալ արձանագրություն այն մասին, որ Լևոն Ռոբերտի Մալխասյանը հանդիսանալով «ՆՈՐ-ՀԵՆԴ» ՍՊԸ-ի տնօրեն 17.07.2008թ. «ՆՈՐ-ՀԵՆԴ» ՍՊԸ-ին տրամադրված հանքարդյունահանման հատուկ՝ ՀԱ-Լ-14/549 լիցենզիայի առկայության պայմաններում՝ Ընկերությանը անհատույց օգտագործման իրավունքով պատկանող Գեղարքունիքի մարզի, Ճամբարակ համայնքի, Ճամբարակ քաղաքում գտնվող 05-002-0226-0045 կադաստրային ծածկագրով (Արմեն Գազիկի Բաղալյանի անվամբ սեփականության իրավունքով գրանցված, նպատակային նշանակությունը՝ գյուղատնտեսական, գործառնական նշանակությունը՝ արոտավայր,) 1,7 հա հողամասը 2022թ. հունվար- փետրվար ամիսների ընթացքում օգտագործել է ոչ նպատակային նշանակության՝ գյուղատնտեսական նշանակության փոխարեն օգտագործելով որպես արդյունաբերական, ընդերքօգտագործման և այլ արտադրական նշանակության, ինչպես

նաև ինքնակամ փոխել է հողամասերի գործառնական նշանակությունը՝ արոտավայրը փոխելով հանքարդյունահանման օբյեկտի:

Լևոն Ռոբերտի Մալխասյանն իր գործողություններով խախտել է ՀՀ հողային օրենսգրքի 7-րդ և 8-րդ հոդվածներով սահմանված պահանջը, որի համար նախատեսված է վարչական պատասխանատվություն «ՀՀ վարչական իրավախախտումների վերաբերյալ» ՀՀ օրենսգրքի 54-րդ հոդվածի 1-ին և 2-րդ մասերով:

Լևոն Մալխասյանը պատշաճ ծանուցվել է վարչական իրավախախտման վերաբերյալ գործի քննության տեղի ու ժամանակի մասին, ներկայացել և մասնակցել է գործի քննությանը, առարկություններ չի ներկայացրել, խնդրել է կայացվող վարչական ակտը ուղարկել փոստային ծառայության միջոցով՝ ք.Երևան 0037, Արաբկիր 39 փողոց, տուն 1/3 հասցեով:

Ելնելով վերոգրյալից և ղեկավարվելով «Տեղական ինքնակառավարման մասին» Հայաստանի Հանրապետության օրենքի 35-րդ հոդվածի 1-ին մասի 24-րդ կետի, «Վարչարարության հիմունքների և վարչական վարույթի մասին» Հայաստանի Հանրապետության օրենքի 30-րդ հոդվածի 1-ին մասի «բ» ենթակետի, 53-րդ, 58-60-րդ հոդվածների, ՀՀ հողային օրենսգրքի 7-րդ և 8-րդ հոդվածներով, Վարչական իրավախախտումների վերաբերյալ Հայաստանի Հանրապետության օրենսգրքի 244⁹-րդ հոդվածի 5-րդ մասի, 54-րդ հոդվածի 1-ին և 2-րդ մասերի պահանջներով՝

ո Ր Ո Շ Ե Գ ի

1. Լևոն Ռոբերտի Մալխասյանին նկատմամբ նշանակել վարչական տուգանք 100.000 /մեկ հարյուր հազար/ ՀՀ դրամի չափով՝ Վարչական իրավախախտումների վերաբերյալ Հայաստանի Հանրապետության օրենսգրքի 54-րդ հոդվածի 1-ին մասով սահմանված գործողություններ կատարելու համար:

2. Լևոն Ռոբերտի Մալխասյանին նկատմամբ նշանակել վարչական տուգանք 50.000 /հիսուն հազար/ ՀՀ դրամի չափով՝ Վարչական իրավախախտումների

վերաբերյալ Հայաստանի Հանրապետության օրենսգրքի 54-րդ հոդվածի 2-րդ մասով սահմանված գործողություններ կատարելու համար:

3. Անհրաժեշտ է դադարեցնել հանքարդյունահանման աշխատանքները մինչև հողամասի նպատակային և գործառնական նշանակությունը սահմանված կարգով փոխելը:


4. Սույն որոշումը կարող է բողոքարկվել վարչական կարգով Ճամբարակ համայնքի ղեկավարին՝ դրա ուժի մեջ մտնելու օրվանից երկու ամսվա ընթացքում կամ դատական կարգով՝ Հայաստանի Հանրապետության վարչական դատարան՝ երկամսյա ժամկետում:

5. Սույն որոշման պահանջները չկատարելու դեպքում «Վարչարարության հիմունքների և վարչական վարույթի մասին» Հայաստանի Հանրապետության օրենքի 88-րդ հոդվածով սահմանված կարգով այն ենթակա է հարկադիր կատարման՝ Հայաստանի Հանրապետության արդարադատության նախարարության հարկադիր կատարման ծառայության միջոցով՝ անբողոքարկելի դառնալուց հետո եռամսյա ժամկետում:

6. Սույն որոշումն ուժի մեջ է մտնում Լևոն Մալխասյանին որոշման ընդունման մասին իրազեկելուն հաջորդող օրվանից:

7. Սույն որոշմամբ սահմանված տուգանքը վճարել ՀՀ Գեղարքունիքի մարզի Ճամբարակի համայնքապետարանի 900185061356 հաշվեհամարին, թիվ 1 ՏԳԲ:

Համայնքի ղեկավար՝



Վ. Աղայան

Ստացա որոշման մեկ օրինակը, ինձ բացատրվել է որոշման գանգատարկման կարգը, որի համար ստորագրում եմ՝ _____ Լ. Մալխասյան

14.03.2022թ.